

激勵團報告書

一九二一年



小引

本團仿華北靈脩會辦法設立既四年矣本屆爲第四次會期宗旨純以聯絡感情以收三育事功緣我閩南教會各差會每年例有聚會一次類皆各自爲政尙乏一致之進行故分道揚鑣難收美滿之效果溯自四年前三差會合會時簽議分篇之法不如合集之法較有統系惜組織無人躊躇未行者久之嗣經公議青年會爲教會總樞既無彼此之分又有專責之人爰請廈門基督教青年會西總幹事伊理雅君出而倡組織經伊君再四思維久用祈禱之功旋明主旨所在遂慨然担任由其慘淡經營始克成此團體其第一第二兩年會場假同安啓悟學校伊君綜理其事第三暨本屆會場假集美學校伊君因例假回美由青年會華總幹事王宗仁君承乏統觀登年成績確有進步現象足徵上主之默爲呵護默爲啓迪以致有此豐果也同人飲水思源尤不能不追感伊君之力爲其難不避草創之艱竟能產生此絕佳之團體茲聞伊君將次返廈預祝其繼續斯功更有無窮之希望焉今者本屆報告書業既告竣合綴數語以爲之序

民國十年十月下浣閩南基督教士激勵團委辦啟

弁言

閩南基督教領袖之有激勵團。本年其第四屆也。會開集美。人聚羣賢。會員之多。視前數屆爲盛。到會演員。如沈君文卿。全君紹武。丁君先誠。尙君愛物。皆學貫中西。一時知名之士。所討論者。如主日學校之組織。服役社會之要務。中華歸主之運動。又皆切合時勢之重要問題。諸君本其經驗。罄所心得。兼以聖神之默相啓沃。或說理詳盡。或立論精深。或操詞疼快。或熱誠懇摯。洵足鼓盪靈性。激厲志氣。令人感發而興奮也。鄙人得以躬與其盛。飽飫靈饌。幸何如焉。忝荷同人。不棄舉充記室。并委以編輯任務。自慚才識淺陋。筆思鈍拙。未能將諸君之高談宏議。畢錄無遺。殊覺有負雅望。祇以事關公要。義不獲辭。用是不揣謏劣。將存會所錄。重加檢訂。按序編纂。或筆其詳。或摘其要。務以足資激厲。觀感者爲主。掛一漏萬。所不免也。至於萬牧每日之解經。及沈全二君之偉論。幸蒙自投文稿。故爲另篇刊錄。以便查閱。尙望同人。細加尋繹。體會實行。庶幾不負諸君子激厲之至意。是則區區之心所盼禱者也。

中華民國十年八月三十一日吳炳耀謹識

閩南基督教領袖第四次激勵會紀錄

救主降生千九百廿一年。即中華民國十年。陽歷七月廿二日。晚上八時。閩南基督教領袖激勵會。於集美廈門大學臨時校舍。中西會員到者。凡百數十人。總書記王君宗仁。主領開會禮拜。宣讀詩篇二十四篇。馬太十七章一至八節。申述本屆籌備之經過。深見上主指導之鴻恩。實當歡謝無已。吾輩務存信仰心。希望心。虔恭心。則將接受莫大恩賜。較之前屆收效。尤見美滿焉。後大學校長林文慶博士。校主陳嘉庚先生。相繼致詞。具表歡迎盛意。委辦林溫人牧師。代表全體。向校長校主致謝。并道達本團對於陳君所辦教育事業。敬仰之深。期望之切。既而劉向榮牧師。演論提前四章十六節。謹身慎教之要旨。而後頌祝停會。

第二日。即廿三號禮拜六日。

早上六時半。會員咸集講堂。爲晨禱會。何希仁牧師主理。讀行九章一至九節。論傳道師之被召。曰。吾人得任傳道職。乃由上帝選召。故所任之工。實最神聖高貴者也。攷究聖經。則知古之使徒。若彼得。若雅各。若保羅。皆以奉召爲主之僕爲榮。良以爲主之役。乃人世最高尚之職事。異乎爲人僕者之處。於卑下地位也。爲上帝僕者。必蒙上帝之明召。昔之先知。若毛西。撒母耳。以賽亞。耶利米。亞麼士等。莫不誕膺天召。始任聖役。然則吾人亦必有受召經驗。而後堪爲上帝之僕也。爲上帝僕者。必存謙遜之心。蓋上帝之選召吾人。非因我地位較他人爲高。才智較他人爲優。乃由上帝之鴻恩厚賚。故吾人於上帝前。必卑以自牧。萬勿期許而自高也。爲上帝僕者。亦必遵上帝之指導。凡事以神旨爲針南。不憑一己之私意。蘇格蘭有牧師爲他會選聘。本堂曾

友即極力扳挽去留之間頗難解決有會友途遇其女公子問曰尊翁肯應本會之留否應曰未知也惟余父尙行祈禱而余母則已收束行裝矣恐吾人亦多此矛盾行爲一面仰求神示而一面則欲執行私意如鄙人於神學將畢業時有中國佈道之問題縈繫腦中曾爲此切求上帝指示依例須先就醫士驗體然私意則深願醫士以賤體不適東土爲告可得仍留本國服務不意既經查驗醫士乃謂余曰君之體質甚宜於中國氣候儘可安心前往余於是不得不捐棄私意而遵主之遣派焉奉勸諸君既同膺恩召担任經工亦必舍己順主依其命以進行庶不忝主僕之稱也

屢聞人言今日教會殊形冷淡輒露悲觀之念抑知上帝召我則欲藉我奮興教會鼓舞會友令化冷淡爲熱心轉衰敗爲興盛凡我同人務以蒙召之要旨拳拳服膺而日以自勉焉

九時講經會 萬多馬牧師講論亞麼士何西二先知書之概要（萬君演時特以要旨標題黑板令人易於領會每日演稿另錄於後）演畢會員再行討論

十一時一刻演說會 王宗仁先生演講「激勵會之要旨」林後五章十四節本會之名以激勵乃由發起人伊理雅先生所取決渠何爲以是爲名未能確知然觀官音譯文於林後五章十四節基督的慈愛激勵我們之言實合本會集合之要旨也際此開會伊始爰以聖保羅由基督慈愛所受激勵而互相激勵焉

一基督之愛果激勵我致願終身以作其工否吾人欲作主工有多艱辛有多難阻非基督之愛爲激勵我之原動力則未有不逡巡畏縮者惟果得基督之深愛激動我心鼓勵我志必能冒鉅險排萬難而勇往邁前余

讀非洲佈道英雄李達士敦傳記，不覺有感於心，而知基督之愛，真有激勵人之神力也。李氏言曰：「設我能從已之所欲，則我將遷居某地，以與家人聚處，共叙天倫之樂，惟上帝乃命我直前，以屆無人所到之地，令我不得不從，而舍逸就勞，離安趨危焉。」後其妻死，爲之悼曰：「我至愛之馬利乎，許多次予殊慕得一甯靜位處，與汝同居，惟主召我，乃不得不舍汝長別焉。」比其臨終時，自述曰：「世無一事可阻我應作之工。雖有許多困難環阻我，但願上帝勿使撒但勝過我。」觀氏之言，知其滿心爲基督之愛所推進，故願畢生奉命，鞠躬盡瘁，死而後已。吾人果爲基督之愛所激勵，則在外之困厄，不能阻撓我，艱險不能限制我，魔鬼及一切仇敵，亦不能勝過我焉。又讀彼得約翰告議會之言曰：「聽爾曹過於聽上帝，在上帝前爲義乎，爾其審之，蓋我儕所見所聞者，不得不言也。」彼得約翰之有此勇敢，有此毅力者，亦由基督之愛激勵其心，基督之神充盈其志耳。願吾人亦得基督之愛之神，鼓勵我，激勵我，致能堅心毅力，以作其聖工也。

二、基督之愛，果激勵我，致以祈禱之生活，爲畢生最要之事功否？祈禱之功，爲人生最要之工夫，爲任聖職者得力之關鍵。中外諸佈道名家，若丁立美、若艾迪、若穆德，能成如許豐功偉業者，則以致力於祈禱也。再觀古之聖徒，其視祈禱也，多較飲食爲要，甚或視比生命爲重。如但以理雖到死生關頭，亦依然不缺其祈禱工夫，生命可棄，而祈禱之生活不可棄也。前有女王仇教甚深，曾出一令，凡向神祈禱者，必寬諸法王之宰輔，素謹於奉命者，抵家時，其姪請曰：「果欲遵行王命，可先斬我，以我不能不祈禱於我上帝也。」噫，古之聖徒，其於祈禱，有如是之熱誠，如是之致意，吾人無躬自問，能毋深愧弗如乎。

當歐洲大戰時，許多健兒爲愛國心所激動，情願捐其生命。彼爲物質上之榮譽愛情，猶且摩頂放踵有弗顧，履湯蹈火不敢辭。況吾人爲基督所救贖，所徵召，可不更樂爲犧牲一切乎？法國某大將於戰場受傷，斷其兩手，當其在院就醫時，見者多爲扼腕，渠乃慨然曰：「我經以全身獻於法國，然其所取者僅二手耳。」然則吾人果爲基督之愛所激勵，亦必如是以全身及凡所有盡獻基督，不以區區之損失而有所吝惜也。

百餘年前，德國有貴冢子弟到鄉下漫游，傍晚時，潛入禮拜堂中休憩，見壁上懸救主受難聖蹟圖，首冠棘冠，手足見釘，腦脅被刺，傷痕匝體，血漬浹面，於主之苦情愛心，描摹盡致，不覺心怦然動。又見其下題句：「我愛爾爲爾至此，爾愛我爲我如何。」益覺深受激勵，從是決意犧牲所有富貴功名，獻身救主，而創立兄弟會，以佈道遠方爲職志。

美國某元帥統兵到法國參戰，特謁某名將之墓（將爲助美拒英而獨立者，故美人膜拜弗忘），當千萬軍隊肅立墓前行禮時，該元帥發最單簡沉疼之演詞，曰：「我在此。」寥寥數語，而意味則甚深長。願吾人今日亦皆敬立主之十架前，仰觀主之重若深恩主之奇愛，致滿受感激，而將已奉獻於主曰：我在此。

下午四時主日學討論會，黃滄海牧師主席，讀提後三章十至十七節，略謂主日學爲當今教會之急務，教會無主日學，猶溝壑之乏本源，無本之水，涸可立待，無主日學之教會，亦難免於衰弱。故主日學之創設整理，不可不三致意也。後聽各堂報告所辦主日學之概況。

集美主日學計分七班，幼稚園居其五，以主日學書片教之，頗有秩序。禮拜堂分二班，一爲成年之會友班，於

午共集查經、以基督教之人生觀爲課本。一爲慕道友班、於下午聚集、課以習道書籍、頗難一致。小溪有引兒歸主會。每禮拜二次向各方邀集稚年兒童到禮拜堂中、教以詩歌、經句、游戲、由西女士主持、頗有成效。主日學有四百多人、計分廿五班、有教員廿五人、於禮拜堂有十班、餘者分集他處、每班有二十多人、分集半小時、而後合集堂中、再講道半小時、規模頗見宏大、惟欠適宜校舍、及總教員之訓練調度、未盡秩然有序焉。

漳州東坂后、學生各於校中另集、會友於禮拜堂中分十一班、各按程度教授。領袖於禮拜畢另行聚集、討論後次學課教授方法。

晚上八時演說會。福州主日學幹事丁先誠先生演論「宗教教育與新思潮之關係」。略謂、今日新思潮、如風起雲湧、瀰漫全國。此不惟於國家社會之進步有關係、卽於宗教及教育之進步、亦有甚大影響。人類之超軼乎物、而靈乎物者、以其有思想也。人類有思想、故人類能進步、物類無思想、故物類不能進步。思想爲進步之原動、所關良非淺鮮也。我國立國最古、然數千年來、民人拘於古制、泥於舊章、莫能破除成見、展布新猷。故一切典章、文物、器用、道路、振古如斯、千百年來毫無進步。自與歐美相接觸、不特新機械、新制度、以次輸入、則凡新學說、新思想、亦逐漸傳佈、潮流所趨、莫之能禦。將來國家進步之程度、則視國人對於新思潮如何棄取耳。

攷究宇宙之原理、則知大千世界之事物、皆由漸演進。世界然、宗教亦然。上帝帝之救人、非令一蹴便臻

善造詣，乃令其逐漸明白真理，變化心性，見道日深，德行彌進，而後成爲一完全基督徒焉。然則任教會之領袖者，對於一股會友，務當因材施教，循循善誘，使日進於成全，此宗教教育最當注重之要點也。於成人當如是，於兒童尤應加意焉。

夫兒童之時機，乃人生最寶貴之時機也。動物初生，未幾便能動作覓食，惟兒童必賴父母之顧養，歷長久時間，始能獨立營生，是則上帝特賜人有許多機會，以調育兒童，使成有用之才也。研究物理，則知生物各有其特性，果能培植得法，則可漸以發達，爰以親見之事爲証，余前於南京草地間，見有一種小菊，隨處發生，人皆賤而視之。後於美國留學，賽花場上，見有菊花異常肥碩，面積之徑，達一尺三寸，方以爲奇卉異種，乃叩之種花人，始知其種原得自中國，與南京草地間之小菊，爲同類也。自移植美國，經植物學家之研究，歷多年之轉種培植，而得如是之成績。余因是乃深嘆培植研究之功，其成效之奇偉也。惟兒童亦然，吾人果按其本能而訓育之，亦可令其漸次發展，而成高尚偉大之人物。故今日教育家對於兒童之教育，漸知注意，研究兒童之心理，以爲教育之設施，惜乎教會對於會中兒童，則多忽而視之，一切之工作計劃，以及禮拜講道，大多注重成人，而漠視兒童，此實莫大之謬也。當知兒童之時代，乃人生之黃金時代，不寶貴之，則所失非小。明乎此，則宗教教育之方針，可以知所注重矣。

第三日，即廿四號禮拜日。

六時半晨禱會。何希仁牧師主理。讀太廿章廿八節。人子至，非由被動，乃本乎自動者也。腓立比二章卽謂

耶穌之臨世，乃由虛己，其所以舍其尊榮，而屈居卑苦地位者，乃由乎一己之志願，而非由他人之強致也。我儕任傳道職，亦必由一己之甘心願意，出乎體主救人之心。非然者，則我之被召，乃僞而非真也。

君等或有芸友同輩，居顯要，致榮名，博厚俸，席豐履厚，享用裕如，而已則寒素清苦，相形見拙，興思及此，意中或不免攪擾。然果細想我之居卑處苦，乃以學主耶穌之虛己，自能泰然自得矣。

攷之聖經，乃知居卑實升高之憑藉。主告雅各約翰及其徒曰：「欲爲大者當先爲役，欲登高者必先自卑。」此不刊之論也。吾主且必先降於卑微，而後得升於崇高。矧吾人欲爲上帝之用，可不自居於卑乎。然則吾人作事，必存謙虛屈己之心，不求己榮，乃求主榮，不務暫時之樂，乃務永久之福。世之榮譽福樂，僅如海市蜃樓，似真而實幻，惟爲主而虛己者，其外雖苦，而箇中自有真樂。觀杯後六九節十節可知，保羅恒以因主卑屈爲喜，吾人務以基督及其使徒之聖範，而是則是效焉。

九時半論道會。安徽姚菁英女士演論傳道士之必要。

本早在列位道長前爲主傳道，實不敢當，以諸君皆老成練達之輩，而鄙人則年輕識淺，本當虛心承教，何敢冒昧進言。然念主不因人年齒之輕，經驗之淺，而蔑棄之，故賴主之助，不揣謏陋，而與諸君互相討論焉。

諸君皆傳道士，故本早所欲共商者，則傳道事業如何重要。世之職業甚多，然皆爲身家計耳，其爲國爲世界者，已屬不可多觀。卽如各國之聖賢，覺民牖世，功雖重要，然亦只爲今生計耳。惟我任傳道者，卽爲人靈計，爲來生計，故職務最爲重要。聖經云：傳和平，報佳音者，其足音之美，爲何如耶？」耶穌亦語其徒曰：「接你者，卽

接我。」又曰：「不接你者，其刑將較所多焉，爲尤重焉。」由此觀之，傳道之工，或不見重於人，而上帝則深以爲重也。

夫傳道之職，任既如是尊重，則所受之苦，亦必較人爲大。語云：「不受苦中苦，難作人上人。」故吾人所受種種困難辛苦，不足詫以爲異也。當此科學昌明時代，人多視傳道爲末務，鄙而視之，望吾人不爲流俗之見所動搖，而失自尊之心焉。

欲作傳道之功，有多要素，爲所必須者，其最不可缺者，厥維聖神。蓋我之傳道，非恃己之才智，端賴聖神之能力。有聖神則不畏積學高才之輩，有聖神則尋常之會友，亦能成偉大事功。穆德博士，非當世著名之偉人乎？然引其信主者，僅一下尋常之會友耳。信乎撒加利亞四章六節之言曰：「非以權勢，非以才能，乃恃我神。」聖神爲傳道士所必得者，故主於復生後，語其徒曰：「勿去耶路撒冷，以待父所許，則你嘗聞於我者也。」行一章四節，觀彼得未受聖神前，對一庸常婢女，猶且畏怯，不敢承認主名。迨既受聖神後，則與前迥異，雖於大庭廣衆，官長顯貴之前，亦侃然爲主作証，毫無忌憚。然則吾人所當介意者，不在才幹之優絀，乃在神賜之有無耳。曾有傳道登台主理，并不演講，只讀聖經，所讀又爲創世記五章最艱澀無味者，然讀未完時，竟有一人受感，卽以其心滿受聖神，故所讀經言，有感人能力也。然則吾人所處教會，不能振興，無可見怪他人，只當見怪自己之未得聖神耳。謹以圖說明之。

天

傳道士

聖

提前二：十一。
提前三：五。
翰十七：廿一。
太九：三五，三六。
加一：十，耶一：七。
提後二：十一。
言羅十：十四，行太五：十六。
意腓一：八。
路六：十二。
行六：四。
可五：三四，二：五。
林前十三：一，十一。
路六：四，二，八：三八。

+

電盤

會	社
庭	家
心	同
重并	靈身
敢	勇
苦	耐
引人聲	用意聞
心	端
心	信
心	愛
救	得
此	地

聖

行傳一章四節

手盤



此圓形乃表地球。球中人字乃以代表六大部洲及諸島嶼之居人也。未信主者如處地獄之中。上帝立我傳道士作領人登天之階梯。梯必賴兩柱始能堅立。此可比聖神爲傳道士所需之最要者也。自得聖神一也以聖神感所要救之人。二也。此二者有如梯之兩柱。缺一則不能成功。既得聖神則有十二樣恩賜爲救人所必需者。如梯之拾級而登者然。

一、爲得救。未得救者不能救人。主云、「有人稱我曰主也。主也。未必得入天國。」有人雖奉主名傳道教人。未必則爲得救者。故吾人必深省己誠得救者否。觀路八章卅八節。六章四十二節。吾欲救人。不第宜以口說教。亦必以身作則。基督徒有數要。得主血洗清一也。革除故態二也。祈禱讀經三也。此三者爲信徒最要之生活。傳道士每以是勸人。然當自省己之罪惡果得主洗清乎。故態曾已革除乎。祈禱讀經果自致意乎。有諸己而後求諸人也焉。

二、爲愛心。無愛心則雖有種種才德亦屬枉然。觀林前十三章一二節。有人終日所思乃己身家之事。於會務則絕少關心。外人沉溺罪中不思所以救之。會友冷心背道。不盡力以勸之。此實有負傳道之職也。聖經有多良範可爲吾人法則。摩西爲民祈禱。情願己名見抹於生命冊。保羅欲救骨肉甘心自爲基督所棄。此皆愛人甚於愛己者也。若夫我主耶穌則更爲愛人而捐棄一己生命。吾欲救人亦必具此舍己愛人之心腸焉。三、爲信心。今代教會多以信心爲不足輕重。抑知信之所關甚大。經載就主得醫者皆由信心。其最著者則昇癱瘋就主之四友。耶穌見諸人之信則令其痊愈。觀可五章卅四節。二章五節。我欲扶助他人以就主。當有

信心始能成功。惜吾人之信甚淺，對於頑梗之輩，恒存不可救藥之見，此實輕視上帝無限之權力也。

四、爲肅心。人之通病，則心存兩歧，此如足跨雙船，危莫甚焉。觀行六章四節，使徒以祈禱傳道爲一己肅責，不敢紛心他事，誠當奉爲準則也。有傳道士紛心商務，或貸金權利，如是必難肅心，更有會友就道，乃爲勢利，傳道士必爲涉訟理事，諸皆有妨我之本務，皆非所宜也。

五、必聞主聲。有人甫經起身，則忙於作事，未暇聞主之聲。抑有人造前就教，則信口而談，未先求主之示。如此作工，雖則勤勉，無益也。欲聞主聲，一應祈禱以求神示，觀路六章十二節，二必讀經，三靜然思想。備此三者，則可聆主之示焉。非然者，實有危險，不聽主聲，將致遺失應救之人靈一也。恃已引人，恐有時將如以珍珠投豕，不第無益，而反有碍二也。

六、欲引人有三要。一以言。觀羅十章十四節，欲言聖道，應如以賽亞先得主之濬除，有聖潔誠實之口舌，而後可侃然傳主之命也。又必如保羅之恒言十架之道，始有救人能力也。二以行。觀太五章十六節，此視言爲尤要，曾有牧師演講耶穌言行，座中有起而言曰：君所言之耶穌余識之，則在我鄰居也。牧師奇而查之，乃知該鄰有某會友，所行皆學主模範，故人誤認彼爲耶穌也。又有一基督徒，學問甚優，被不信者延在家中，爲師，惟不許其言及耶穌事，渠許之，雖始終未曾稱道耶穌，然因其立品之端，致令閤家受感，力請其必以主道爲告焉。由此觀之，吾人所行，果照主訓，則雖不以言詞証道，亦可引人歸主。反之，所行不善，則所言雖佳，亦難見效也。三以意。觀腓一章八節，則以己之意會爲人所祈禱。如保羅爲異地之人，恒切關心。西二章一節，或量

力捐輸，以表我對於遠方佈道之注意，是則以意會救人之法也。

七、爲耐苦。觀提前二章二節，世之最苦者，莫如軍人，非第生活艱難，則己之性命，亦不能顧惜。我爲傳道，亦乃吃苦之工，蓋我之樂，非在今世，乃在來生也。傳道之苦有二，其屬乎己者，如經濟之困乏，跋涉之勞頓，皆必爲主耐受。其對於人者，如會友有冷心者，必寬忍之，執迷者，必勸導之，如主所謂「兄弟獲罪，爾七次，若其知悔，必赦宥之」，是則對於陷罪之會友，必存恒忍不倦之心也。

八、爲勇敢。觀加一章十節，當不畏人，不求人悅，主有所命，則當宣傳，耶一章七節，每有傳道，不敢直斥人過，惟恐開罪於人，然當思我爲主僕，必傳主之所命，會友有何失錯，必侃然規正之。

九、當身靈并重。人有所需，必按力之所能而助之，不可則雅各二章十五六節所言，僅以空言勸慰也。觀主在世，不第傳道以救人靈，亦施權以醫人病。太九章卅五六節，可見救人之工，必身靈并重焉。

十、當有同心。我不能獨自工作，必得同志者，互相協助，如摩西登山舉手，必有亞倫、戶耳左右扶掖，始能得勝。我亦當得長執會友，互相扶助，而後所爲益有成效也。同心亦爲主之所重，故主祈禱，特切求天父使衆合一。翰十七章廿一節，保羅亦以肢體表明同心之理，所謂「一體樂，百體同樂，一體憂，百體同憂也」。

十一、當注意家庭。許多人不注意一己家庭之禮拜、兒童之教育，寔非所宜。「不能齊家，焉能治會耶？」提前三章五節，吾人當整率家庭，使爲會友模範，致能引人歸主。

十二、當關心社會。社會爲吾人服務之工場，吾人對於社會，有改革輔導之責任。古之先知如以賽亞、耶利

米甚關懷於當時之社會。我亦當知是有不良風俗。必籌所以改革之。有應興善舉。必思所以提倡之。尤要者。則爲國家各等人祈禱。如保羅於提前二章二節所言者。

以上種種爲担任傳道者應有之品德。必須之要素。興思及此。實見傳道事功之匪易。然當知我之任此聖工。非恃一己。乃恃乎主。太廿八章末節主命其徒傳道。曾許與之同在。至於世末。果得王之偕。我則萬事可能。又何難之有歟哉。

下午四時許聲炎牧師演論「新文化與教會之關係」略謂新文化之潮流。瀰漫全國。全世界所關實非淺鮮。新文化爲何。則對於一切文字。風化。政治。學說。皆重新研究而改革之。如提倡白話文。破除迷信。鼓吹平等。自由。博愛種種。其近因雖倡自幾位新學界領袖。其遠因則導源於我基督教。

新文化對於基督教。界有三派。一以宗教爲過去物。二以宗教與科學爲衝突者。三以宗教爲愚民政策者。以上各派。大多鄙棄宗教。致製造許多無神派。此其危險者一也。又新文化對於自由平等。常有悞解。於女子之解放。戀愛。更多離經言論。於社會之道德風化。實有大影響。其危險二也。

然新文化於破除迷信。改造社會。頗具一種勇往邁前之概。於我基督教實爲同調。於宗教之推行不無裨補。然則我基督教對於新文化。應持何態度。放任之不可。遏抑之尤爲不可也。必也研究其蘊細。評判其是非。而盡指導之責任乎。故基督教之對付新文化。厥有三要。一有研究之責任。二有防範之責任。其對於基督教真理。有所出入者。必糾正之。指引之。使不作出軌行動。三有宣揚之責任。新文化之正當有益者。如白話文。

必鼓吹之、破除迷信、必贊助之、建造社會、必促進之、無論防範與宣揚、皆必以基督真理為依歸。如是則基督教不第不為新文化所波動、更可利用新文化以促基督教之進行、幸何如焉。晚上八時討論會、林溫人牧師主席、討論向外界佈道、當如何謹言慎行、庶可令人歡納聖道。并討論關於新思潮難題。

第四日、即廿五號禮拜一。

六時半晨禱會。楊懷德牧師主理、讀撒加利亞四章六至十四節。論「吾人工作不能發達之故」。所羅把伯當時欲作要工、無勢力、乏資財、且有敵人如同高山。然其工何以卒能成就、則因其常侍於萬有之主之側、而得其佑助、故高山卒化為平地。彼能發光四照、即由常連接於二橄欖樹、而得其油之貫輸也。由此觀之、今之教會有多缺點、所作不能成功、良吾由為會長者、不常侍於主之側也。嘗閱書報、載馮玉祥旅長、見軍士虧侮平民、不罪軍士、而邀集長官以自罪、尼虛曼卿立學校、見學生犯法、不責學生、而當衆前以自責、然則吾教會之不振、其過不在他人、乃在我為領袖之過也。吾人作工、或恃己而不恃主、致高山非特不能剷平、反日以增高焉。且我果得神恩充溢我心、則將如活泉分潤他人、觀翰四章十四節七章卅七節。嘗見一母豬畜十四子、後患病不能進食、無以乳養其子、致皆餓斃。余因此不覺有感於心、恐吾人亦多心靈負病、致無以養活信徒、實有負我之職守也。願吾人今後、能不恃己而恃主、恒得主之恩賜充溢我心、主之能力扶助於我、致各難為之事、皆得主為我剷平、所作之工、得有成效焉。